

MEMORANDUM O RAZUMIJEVANJU

između

Austrijskog vijeća za akreditaciju

i

Agencije za razvoj visokog obrazovanja i osiguranje kvaliteta

Ovaj Memorandum o razumijevanju sklopljen je između

Austrijskog vijeća za akreditaciju, (u daljem tekstu: ÖAR)

i

Agencije za razvoj visokog obrazovanja i osiguranje kvaliteta (u daljem tekstu: HEA BiH)

Preambula

U kojem:

ÖAR je uspostavljen 2000.g. i pravno uporište za njegov rad sadržano je u Federalnom zakonu o akreditaciji visokoškolskih ustanova kao privatnih univerziteta (Zakon o akreditaciji univerziteta iz 1999.g. – UniAkkG).

Prema zakonu ÖAR je nadležan za (re-)akreditaciju privatnih sveučilišta i njihovih akademskih programa, kao i za nadzor nad akreditiranim privatnim univerzitetima.

Misija ÖAR-a jeste otvaranje univerzitetskog sektora ka privatnim ustanovama kao i jamčenje kvaliteta, transparentnosti i usporedivosti koji su u interesu ustanova, studenata i tržišta rada. Zadatak ÖAR-a je uspostavljanje i održavanje transparentnog i pouzdanog sistema akreditacije koji je shodan evropskim standardima i najboljoj praksi, na taj način aktivno doprinoseći mrežama osiguranja kvaliteta na međunarodnom nivou.

HEA BiH je uspostavljena 2008. godine Okvirnim zakonom o visokom obrazovanju u Bosni i Hercegovini kao samostalna upravna organizacija. Osnovna misija HEA-e je uspostavljanje sistema osiguranja kvaliteta u visokom obrazovanju Bosne i Hercegovine u skladu s Bolonjskim procesom, što uključuje donošenje standarda i praćenje akreditacije visokoškolskih ustanova i studijskih programa. Transparentne i javne procedure za izbor domaćih i međunarodnih stručnjaka koji daju ocjenu i obavljaju reviziju kvaliteta i daju

preporuke o akreditaciji visokoškolskih ustanova i studijskih programa čine okosnicu sistema vanjskog osiguranja kvaliteta.

ÖAR i HEA BiH imaju srodne misije i institucionalne ciljeve u razvoju osiguranja kvaliteta u visokom obrazovanju, kao i zajednički interes za razvoj i promoviranje dobre prakse u području osiguranja kvaliteta.

Ciljevi Memoranduma o razumijevanju

ÖAR i HEA BiH su se ovim memorandumom usaglasile da će sklopiti partnerski odnos na obostranu korist te da će raditi na izgradnji platforme za saradnju u cilju razmjene informacija i dobre prakse.

Područja saradnje

U tu svrhu, ÖAR i HEA BiH će raditi na ispunjavanju sljedećih ciljeva koji su od koristi za obje strane:

- a. Razmjena informacija
Razmjena transparentnih dokumenata, informacija o radu i ekspertize prema potrebi i kada je to primjereno;
- b. Razvoj osoblja
Omogućiti razvoj osoblja obje strane prema potrebi i kada je to primjereno;
- c. Razmjena eksperata
Koristiti listu eksperata /specijalista obje strane u cilju jačanja međunarodne dimenzije institucionalnih revizija i/ili akreditacija, programskih akreditacija i posebnih provjera prema potrebi i kada je to primjereno;
- d. Saradnja u istraživačkom radu
Saradnja u istraživačkom radu u području osiguranja kvaliteta za pitanja od obostrane koristi prema potrebi i kada je to primjereno;
- e. Zajedničke aktivnosti
Saradnja u bilo kojim drugim aktivnostima koje su korisne za obje strane, prema potrebi i kada je to primjereno.

Vremenski okvir

Memorandum o razumijevanju će stupiti na snagu danom potpisivanja i važiće 3 godine. Bilo koja strana može jednostrano raskinuti Memorandum uz najavu od 3 mjeseca unaprijed. Da bi se napravile izmjene u odredbama ovoga Memoranduma s ciljem njihovog usklađivanja s aktuelnim potrebama, 2012.g. obaviće se revizija efikasnosti odredbi Memoranduma.

Izmjene Memoranduma

Odredbe Memoranduma se mogu izmijeniti bilo kad uz saglasnost obje strane. Izmjene će stupiti na snagu od dana kada su donesene.

Implementacija Memoranduma

Odgovornost za implementaciju ovog Memoranduma preuzimaju strane potpisnice.

Resursi

U pravilu, svaka strana će snositi vlastite troškove za implementaciju odredbi Memoranduma. Kada je to moguće, agencija domaćin će osigurati smještaj, a troškove putovanja će snositi gostujuća agencija. Finansiranje određenih projekata zahtijeva posebne sporazume.

Za određena područja saradnje donatorska sredstva se mogu tražiti iz drugih izvora.

Zakonska odgovornost

Ovaj Memorandum ne uključuje nikakvu zakonsku odgovornost strana potpisnica niti dovodi bilo koju od strana u povlašteni položaj.

Potpisano u Beču,

maj 2010.g.

Prof.dr. Hannelore Weck-Hannemann

Predsjednik Austrijskog vijeća

Potpisano u Banja Luci,

maj 2010.g.

Prof.dr. Nihad Fejzić

Direktor Agencije za razvoj

za akreditaciju

visokog obrazovanja i
osiguranje kvaliteta

Prevod: Agencija za razvoj visokog obrazovanja i osiguranje kvaliteta